

IslamHouse.com



مركز الأوصول
Osoul Center
www.osoulcenter.com



জান্নাতের পথে



বাংলা
Bengali
بنغالي

প্রস্তুতকরণ
ওসুল সেন্টার

অনুবাদ ও সম্পাদনা

ড. আবু বকর মুহাম্মাদ যাকারিয়া

নিরীক্ষণ

ড: মুহাম্মাদ মর্তুজা বিন আয়েশ মুহাম্মাদ

طريق الجنان

إعداد

مركز أصول

ترجمة و مراجعة

د. أبو بكر محمد زكريا

تدقيق وتصحيح

د. محمد مرتضى بن عائش محمد



বাংলা

Bengali

بنغالي

ح) المكتب التعاوني للدعوة والإرشاد و توعية الجاليات بالربوة، ١٤٤١هـ

فهرسة مكتبة الملك فهد الوطنية أثناء النشر

مركز أصول للمحتوى الدعوي

طريق الجنان : اللغة البنغالية . / مركز أصول للمحتوى الدعوي؛ مرتضى محمد عائش - الرياض،

١٤٤١هـ

٢٨ ص، ١٢ سم x ١٦,٥ سم

ردمك : ٩٧٨-٦٠٣-٨٢٩٧-٤٠-٧

١- العبادات (فقه إسلامي) ٢- الوعظ والارشاد أ. عائش، مرتضى محمد (مترجم)

ب. العنوان

١٤٤١/٥٩٩٤

ديوي ٢٥٢

رقم الايداع: ١٤٤١/٥٩٩٤

ردمك : ٩٧٨-٦٠٣-٨٢٩٧-٤٠-٧



This book has been conceived, prepared and designed by the Osoul Centre. All photos used in the book belong to the Osoul Centre. The Centre hereby permits all Sunni Muslims to reprint and publish the book in any method and format on condition that 1) acknowledgement of the Osoul Centre is clearly stated on all editions; and 2) no alteration or amendment of the text is introduced without reference to the Osoul Centre. In the case of reprinting this book, the Centre strongly recommends maintaining high quality.

+966 11 445 4900

+966 11 497 0126

P.O.BOX 29465 Riyadh 11457

osoul@rabwah.sa

www.osoulcenter.com



অনন্ত করুণাময়
পরম দয়ালু আল্লাহর নামে





লাভ-লোকসানের মাঝে একজন মুসলিমের একটি মূল্যবান দিন

প্রিয় ভাই!

● আল্লাহ তা‘আলার হক আদায়ে সচেষ্টি হোন। আল্লাহ তা‘আলা আপনাকে হিফায়ত করবেন।

আপনি কি ফজরের সালাত জামা‘আতের সাথে আদায় করেছেন? ফজরের সালাতে আল্লাহ তা‘আলার যে সকল হক রয়েছে দিবসের শুরুতে তা কি আপনি যথাযথ আদায় করেছেন? রাসূলুল্লাহ সাল্লাল্লাহু আলাইহি ওয়াসাল্লাম এ বিষয়ে বলেছেন:

«مَنْ صَلَّى الصُّبْحَ فَهُوَ فِي ذِمَّةِ اللَّهِ».

“যে ব্যক্তি ফজরের সালাত আদায় করল, আল্লাহ স্বয়ং ঐ ব্যক্তির হিফায়তকারী হয়ে যান।”¹

● আপনি কি পাঁচ ওয়াক্তের সালাত আল্লাহর ধ্যানে ভয় ও বিনয় নম্রতা এবং একাগ্রচিত্তে (অর্থাৎ খুশ-খুশুর সাথে) আদায় করেছেন?

মহান আল্লাহ বলেন:

﴿حَفِظُوا عَلَى الصَّلَوَاتِ وَالصَّلَاةِ الْوُسْطَىٰ وَقُومُوا لِلَّهِ قَانِتِينَ﴾ [البقرة: ২৩৮]

“তোমরা সালাতের প্রতি যত্নবান হও, বিশেষ করে মধ্যবর্তী (‘আসরের)

1 সহীহ মুসলিম, হাদীস নং ৬৫৭



সালাতের এবং আল্লাহর সামনে (সালাতে) তোমরা বিনম্রচিত্তে দাঁড়াও।”
[সূরা আল-বাকারা, আয়াত: ২৩৮]

- পাঁচ ওয়াক্ত ফরয সালাতের পূর্বে ও পরে যে সমস্ত সুন্নাত সালাত রয়েছে আপনি কি সেগুলো সঠিকভাবে আদায় করেন? আপনি কি প্রতিদিন বার বার তাওবাহ করেন এবং বেশি বেশি ইসতিগফার ও ক্ষমা প্রার্থনা করেন? মহান আল্লাহ এ বিষয়ে বলেন:

﴿يَا أَيُّهَا الَّذِينَ آمَنُوا تُوبُوا إِلَى اللَّهِ تَوْبَةً نَّصُوحًا﴾ [التحريم: ٨]

“হে মুমিনগণ! তোমরা আল্লাহর কাছে তাওবাহ কর---খাঁটি ও বিশুদ্ধ (খালেস) তাওবাহ।” [সূরা আত-তাহরীম, আয়াত: ৮]

- হে মুসলিম! আপনার শরীরের অঙ্গ প্রত্যঙ্গের প্রতিটি জোড়ার জন্য সাদকাহ দেওয়া আবশ্যিক। আর আপনার জন্য এটি খুব সহজেই সম্ভব। (কেননা) চাশতের সময় দু’রাকাত সালাত আদায় করলে তা জোড়াগুলোর (সাদকাহ হিসেবে) গণ্য হয়ে যায়। যা মহান আল্লাহর দিকে প্রত্যাবর্তনকারী সত্যবাদী লোকদের সালাত।

- যে দিনটিতে আপনি কুরআন থেকে কিছুই পাঠ করেন নি সে দিনটি আপনার জন্য একটি অন্ধকার দিন, যাতে কোন বরকত বা কল্যাণ নেই। কারণ, সময়ের বরকত নেবেন তো কুরআন পড়েই নেবেন। আল্লাহ বলেন,

﴿كُنْتُ أَنْزَلْنَاهُ إِلَيْكَ مُبْرَكًا لِيَذَّبَرُواْ عَيْنَيْهِ وَلِيَسْتَذْكُرُواْ الْأَوَّلَآءَ الْآخِرِينَ﴾ [ص: ٢٩]

“এক কল্যাণময় কিতাব আমি তোমার প্রতি নাযিল করেছি, যাতে মানুষ এর আয়াতসমূহ অধ্যয়ন ও অনুধাবন করে এবং বোধশক্তি সম্পন্ন ব্যক্তির এথেকে গ্রহণ করে উপদেশ।” [সূরা সাদ, আয়াত: ২৯]

- কঠিন হৃদয় একটি মারাত্মক ও বিপদজনক বিষয়। আর এ কঠিন





হৃদয়কে বিগলিত করার ঔষধ হলো: মহান আল্লাহর যিকির ও তার স্মরণ। আল্লাহ তা‘আলা বলেন,

﴿الْأَلْبِذِكْرِ اللَّهُ تَطْمِئِنُّ الْقُلُوبُ﴾ [الرعد: ২৮]

“জেনে রাখ, আল্লাহর স্মরণেই মনে প্রশান্তি আসে।” [সূরা আর-রা‘আদ, আয়াত: ২৮]

অনুরূপভাবে কঠিন হৃদয় থেকে পরিদ্রাণের আরও যে পথ আছে তা হলো, সালাতে পঠিত যিকির-আযকার এবং সকাল-সন্ধ্যায় আল্লাহর যিকির করা।

☀ হে মুসলিম! কীভাবে আপনার ঈমানের নিরাপত্তা অর্জিত হতে পারে অথচ আপনি হারাম দৃশ্যের দিকে জেনে শুনেও তাকিয়ে থাকেন? অথচ আল্লাহ বলেন,

﴿قُلْ لِلْمُؤْمِنِينَ يَغُضُّوا مِنْ أَبْصَارِهِمْ وَيَحْفَظُوا فُرُوجَهُمْ﴾ [النور: ৩০]

“মুমিনদেরকে বলে দিন, তারা যেন তাদের দৃষ্টিকে সংযত করে রাখে এবং তাদের লজ্জাস্থানের হিফায়ত করে।” [সূরা আন-নূর, আয়াত: ৩০]

☀ সেটিই হবে আপনার জন্য বরকতময় দিন, যেদিন আপনি কোন অভাবীকে কিছু দান খয়রাত করতে পেরেছেন, অথবা সেবাদানের মাধ্যমে কোনো মুসলিমের মন জয় করতে পেরেছেন কিংবা দু’জন বিবাদমান মানুষের মাঝে ঝগড়াঝাটি মীমাংসা করে দিয়েছেন।

এ বিষয়ে আল্লাহ তা‘আলা বলেন,

﴿لَا خَيْرَ فِي كَثِيرٍ مِنْ نَجْوَاهُمْ إِلَّا مَنْ أَمَرَ بِصَدَقَةٍ أَوْ مَعْرُوفٍ أَوْ إِصْلَاحٍ
بَيْنَ النَّاسِ﴾ [النساء: ১১৬]

“তাদের অধিকাংশ গোপন পরামর্শের মধ্যে কোনো কল্যাণ নেই, তবে কল্যাণ আছে ঐ লোকের মধ্যে যে ব্যক্তি নির্দেশ দেয় দান-খয়রাত,





সৎকাজের ও মানুষের মধ্যে বিরোধ মিটিয়ে দেওয়ার কাজে।” [সূরা আন-নিসা, আয়াত: ১১৪]

● আপনি কিন্তু আখিরাতের পথে পা বাড়িয়ে দিনে দিনে এগিয়ে চলছেন। সুতরাং সে পথের জন্য পাথেয় নিতে ভুলে যাবেন না।

আল্লাহ তা‘আলা বলেন:

[البقرة: ১৭৭] ﴿وَسَزَوْدُوا فَلِئِكَ حَبْرَ الزَّادِ الشَّقْوَىٰ﴾

“এবং (পরকালের জন্য) তোমরা পাথেয় সংগ্রহ কর, আর তাকুওয়া অর্জন করা হলো শ্রেষ্ঠ পাথেয়।” [সূরা আল-বাকারা, আয়াত: ১৯৭]

● রাত জেগে সালাত আদায়, নফল সাওম পালন, রোগীদের সেবা-সুশ্রীষা, কবর যিয়ারত, জানাযার লাশের সাথে যাওয়া, যিকির-আযকারের মজলিসে যাওয়া (অর্থাৎ কুরআন-হাদীস চর্চা ও আলোচনার অনুষ্ঠানে অংশগ্রহণ), আল্লাহর ভয়ে কান্নাকাটি করা, মহান আল্লাহর নিদর্শনসমূহে চিন্তা-গবেষণা করা, অন্তরে সহীহ আকীদা পোষণ করা, জিহ্বার হেফাজত করা এবং নেককার লোকদের প্রতি ভালবাসা স্থাপন-এসবগুলোতে রয়েছে এমন নূর বা আলো যা আপনার ঈমানের নূরকে আরও বৃদ্ধি করে দেয়। আল্লাহ তাঁর নূরের দিকে যাকে ইচ্ছা তাকে হিদায়াত করে থাকেন।

প্রশ্ন-১) ● আপনি কি আল্লাহর রহমত সম্পর্কে ধারণা রাখেন?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«إِنَّ لِلَّهِ مِائَةَ رَحْمَةٍ أَنْزَلَ مِنْهَا رَحْمَةً وَاحِدَةً بَيْنَ الْجَنِّ وَالْإِنْسِ وَالْبَهَائِمِ وَالْهُوَامِ فِيهَا يَتَعَاطَفُونَ فِيهَا يَتَرَاحِمُونَ فِيهَا تَعَطَّفُ الْوَحْشُ عَلَىٰ وَلَدِهَا وَأَخْرَأَ اللَّهُ تَسْعًا وَتَسْعِينَ رَحْمَةً يَرْحَمُ بِهَا عِبَادَهُ يَوْمَ الْقِيَامَةِ»

‘আল্লাহ তা‘আলার একশটি রহমত রয়েছে যা থেকে একটি মাত্র রহমত





তিনি জ্বিন, মানব, জন্তু-জানোয়ারদের উপর নাযিল করে (ভাগ করে দিয়েছেন)। আর এর ফলেই তারা একে অপরের প্রতি সহানুভূতি প্রকাশ করে, দয়াদ্র হয়। আর এর ফলে হিংস্র প্রাণীও তার সন্তান-সম্ভতির প্রতি সহানুভূতিশীল থাকে। অথচ বাকী নিরানব্বইটি রহমত আল্লাহ তা‘আলা কিয়ামতের দিনের জন্য রেখে দিয়েছেন যার দ্বারা তিনি তাঁর বান্দাদের ওপর সেদিন দয়া করবেন।’¹

প্রশ্ন-২ ﴿﴾ একজন মা কি তার সন্তানকে আঙুনে নিষ্ক্ষেপ করতে পারে?

উত্তর: উমার ইবনুল খাত্তাব রাদিয়াল্লাহু ‘আনহু থেকে বর্ণিত, তিনি বলেন, রাসূলুল্লাহ সাল্লাল্লাহু আলাইহি ওয়াসাল্লামের কাছে কয়েকজন বন্দী আসল। তাদের মধ্য থেকে এক মহিলা ব্যস্ত হয়ে কী যেন খুঁজছিল। অবশেষে সে একটি শিশু সন্তান পেয়ে তাকে নিজের বুকে জড়িয়ে নিয়ে দুধ পান করাল। তখন রাসূলুল্লাহ সাল্লাল্লাহু আলাইহি ওয়াসাল্লাম বললেন: ‘তোমরা কি মনে কর যে, এ মহিলা তার সন্তানকে আঙুনে নিষ্ক্ষেপ করতে পারে?’ আমরা বললাম: ‘আল্লাহর শপথ! কখনো নয়।’ তখন রাসূলুল্লাহ সাল্লাল্লাহু আলাইহি ওয়াসাল্লাম বললেন: ‘এ মহিলা তার সন্তানের ওপর যেমন স্নেহময়ী, অবশ্যই আল্লাহ তা‘আলা তাঁর বান্দাদের ওপর এর চেয়েও অনেক অনেক বেশি দয়ালু।’²

প্রশ্ন-৩ ﴿﴾ আপনি কি দান খয়রাত, সাদকাহ, ক্ষমা এবং বিনয়ী হওয়ার ফযীলত জানেন?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«مَا نَقَصَتْ صَدَقَةٌ مِنْ مَالٍ وَمَا زَادَ اللَّهُ عَبْدًا بِعَفْوٍ إِلَّا عِزًّا وَمَا تَوَاضَعُ أَحَدٌ لِلَّهِ إِلَّا رَفَعَهُ اللَّهُ»

1 সহীহ বুখারী, হাদীস নং ৬৪৬৯; সহীহ মুসলিম, হাদীস নং ২৭৫২

2 সহীহ বুখারী; সহীহ মুসলিম





“দান খয়রাত কখনও সম্পদের কোন ঘাটতি করে না, আর ক্ষমার কারণে আল্লাহ কেবল সম্মান বৃদ্ধিই করেন এবং যে কেউ আল্লাহর জন্য বিনয়ী হয় অবশ্যই আল্লাহ তাকে উচ্চ মর্যাদায় আসীন করেন।”¹

প্রশ্ন-৪ ﴿﴾ নিম্নোক্ত সূরাটির ফযীলত সম্পর্কে কী জানেন?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম সাহাবীদের জিজ্ঞেস করলেন: ‘তোমাদের কেউ কি এক রাতে কুরআনের এক তৃতীয়াংশ পড়তে পারবে?’ তারা এটাকে কঠিন মনে করল এবং বলল: ‘হে আল্লাহর রাসূল! আমাদের মধ্যে কেইবা সেটা করতে সক্ষম হবে?’ তখন তিনি (সাল্লাল্লাহু আলাইহি ওয়াসাল্লাম) বললেন:

﴿قُلْ هُوَ اللَّهُ أَحَدٌ ﴿١﴾ اللَّهُ الصَّمَدُ ﴿٢﴾ لَمْ يَكُنْ لَهُ كُفُوًا ﴿٣﴾﴾ [الاخلاص: ১-৩]

এ সূরাটি (একবার পড়লে) পুরা কুরআনের তিন ভাগের এক ভাগ (তिलाওয়াত করার সাওয়াব পাওয়া যায়)।²

প্রশ্ন-৫ ﴿﴾ আপনি কি সাওম পালনকারী, রাত জেগে দাঁড়িয়ে (তাহাজ্জুদের) সালাত আদায়কারী এবং আল্লাহর পথে জিহাদকারীর সাওয়াব পেতে চান?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«السَّاعِي عَلَى الْأَرْزَمَةِ وَالْمُسْكِينِ، كَأَمْجَاهِدٍ.....»

“যে ব্যক্তি কোনো বিধবা এবং মিসকীনের প্রয়োজন পূরণের চেষ্টা করে সে যেন আল্লাহর পথের মুজাহিদ।

বর্ণনাকারী বলেন: আমার মনে হয় রাসূল সাল্লাল্লাহু আলাইহি ওয়াসাল্লাম

1 সহীহ মুসলিম, হাদীস নং ২৫৮৮

2 সহীহ বুখারী, হাদীস নং ৫০১৫





এটাও বলেছেন যে, ‘(ঐ দরদী ব্যক্তির) উদাহরণ হলো তার মতো যে ব্যক্তি কোনো ক্লান্তি অনুভব না করে রাত জেগে দাঁড়িয়ে (তাহাজ্জুদের) সালাত আদায় করে এবং কোন বিরতি না দিয়ে (দিনের বেলায়) সাওম পালন করে।”

প্রশ্ন-৬) আপনি কি জানেন জান্নাতের সবচেয়ে ছোট মর্যাদার অধিকারী ব্যক্তি কে?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেছেন: “জাহান্নাম থেকে যে লোকটি সবশেষে বের হবে এবং সবার শেষে জান্নাতে প্রবেশ করবে সে লোকটি সম্পর্কে আমি জানি।” ঐ লোকটি জাহান্নাম থেকে মুক্তি পেয়ে হামাণ্ডি দিয়ে বের হয়ে আসবে। মহান আল্লাহ তখন তাকে বলবেন: (হে বান্দা) যাও, তুমি এখন জান্নাতে প্রবেশ কর। সে জান্নাতে প্রবেশ করতে গিয়ে মনে করবে যে, লোকজন ঢুকার পর জান্নাতের সব জায়গা ভরে গেছে। আর বোধ হয়, কোন খালি যায়গা নেই। সে ফিরে গিয়ে বলবে, হে (আমার) রব! আমি তো দেখছি জান্নাত ভরে গেছে। তখন মহান আল্লাহ পুনরায় তাকে বলবেন: (হে বান্দা) যাও, জান্নাতে প্রবেশ কর। সে জান্নাতে প্রবেশ করতে গিয়ে আবারো সে মনে করবে যে, (জান্নাতী লোকদের দ্বারা) সেটা ভরে গেছে। সে ফিরে গিয়ে বলবে, হে (আমার) রব! আমি তো দেখলাম জান্নাত পরিপূর্ণ হয়ে গেছে। তখন মহান আল্লাহ (তৃতীয়বার) আবারো বলবেন: যাও, জান্নাতে প্রবেশ কর। তোমার জন্য রয়েছে দুনিয়ার আয়তনের সমপরিমাণ জান্নাত এবং দশ দুনিয়ার সমান বিশালাকার জান্নাত। লোকটি তখন বলবে: হে (আমার) রব! তুমি সবকিছুর মালিক হওয়া সত্ত্বেও কি আমার সাথে ঠাট্টা করছো? (অর্থাৎ আমার মত সাধারণ মানুষের জন্য কি এতবড় জান্নাত! এটা কি সম্ভব!?) বর্ণনাকারী বললেন: শপথ করে বলছি, আমি রাসূলুল্লাহ সাল্লাল্লাহু আলাইহি ওয়াসাল্লামকে (এ বিবরণ দেওয়ার সময়) এমনভাবে হাসতে দেখেছি যে, তার মাড়ীর দাঁতগুলোও প্রকাশিত হয়ে পড়েছিল। তারপর তিনি সাল্লাল্লাহু





আলাইহি ওয়াসাল্লাম বললেন: এ রকম জান্নাত হলো সবচেয়ে নিম্নমানের জান্নাতীর মর্যাদা।”¹

প্রশ্ন-৭) আপনি কি জানেন যে, মুমিনের জন্য জান্নাতে একটি মুক্তার তাঁবু থাকবে?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«إِنَّ لِلْمُؤْمِنِ فِي الْجَنَّةِ لَحَيْمَةً مِنْ تُولُوَّةٍ وَاحِدَةٍ مُجَوَّفَةٍ طُولُهَا سِتُونَ مِيلاً
لِلْمُؤْمِنِ فِيهَا أَهْلُونَ يَطُوفُ عَلَيْهِمُ الْمُؤْمِنُ فَلَا يَرَى بَعْضُهُمْ بَعْضًا»

“মুমিনের জন্য জান্নাতে এমন একটি মুক্তার তাঁবু রয়েছে যার ভিতরের ফাঁকা অংশটির উচ্চতা হবে আকাশ পর্যন্ত ষাট মাইল। সেখানে প্রত্যেক মুমিনের জন্য এমন কয়েকজন স্ত্রী থাকবে যাদের মাঝে সে মেলামেশা করবে অথচ তাদের একজন স্ত্রী অপরজনকে দেখতে পাবে না।”²

প্রশ্ন-৮) আপনি কি জানেন যে, জান্নাতে বাজার রয়েছে?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেছেন: ‘জান্নাতে রয়েছে একটি বাজার যাতে প্রতি জুমু‘আর দিন মুমিনগণ আসবেন। তাদের ওপর সেদিন উত্তরা বায়ু প্রবাহিত হতে থাকবে। আর এ মৃদুমন্দ বায়ু তাদের চেহারা ও পোষাকের ওপর দিয়ে বয়ে যাবে। ফলে তাদের সৌন্দর্য ও লাভণ্যতা বেড়ে যাবে। তারপর তারা তাদের পরিবারের কাছে সৌন্দর্য এবং লাভণ্যতা নিয়ে ফিরে যাবে। স্বামীদেরকে দেখে স্ত্রীরা বলতে থাকবে, আল্লাহর কসম! তোমাদের সৌন্দর্য ও লাভণ্যতা বহুগুণ বেড়ে গেছে। অতঃপর স্বামীরাও বলবে যে, আল্লাহর শপথ! আমাদের যাওয়ার পরে তোমাদের সৌন্দর্য ও লাভণ্যতাও বহু বৃদ্ধি পেয়েছে।’³

1 সহীহ বুখারী; সহীহ মুসলিম

2 সহীহ বুখারী, হাদীস নং ৪৮৮০; সহীহ মুসলিম, হাদীস নং ২৮৩৮

3 সহীহ মুসলিম





প্রশ্ন-৯) আপনি কি জান্নাতের গাছগাছালি সম্পর্কে কিছু পড়েছেন?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«إِنَّ فِي الْجَنَّةِ شَجْرَةً يَسِيرُ الرَّكَّابُ فِي ظِلِّهَا مِائَةَ عَامٍ لَا يَقْطَعُهَا»

“জান্নাতে এমন গাছও রয়েছে যার নিচ দিয়ে অত্যন্ত পারদর্শী একজন ঘোড়সওয়ার প্রশিক্ষণপ্রাপ্ত দ্রুতগামী ঘোড়া নিয়ে একশত বছর দৌড়েও সেটা অতিক্রম করতে পারবে না।”

প্রশ্ন-১০) আপনি কি জানেন যে, জান্নাতে কেউ অবিবাহিত থাকবে না?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«إِنَّ أَوَّلَ زُمْرَةٍ تَدْخُلُ الْجَنَّةَ عَلَى صُورَةِ الْقَمَرِ لَيْلَةَ الْبَدْرِ وَالَّتِي تَلِيهَا عَلَى أَضْوَاءِ كَوْكَبٍ دُرِّيٍّ فِي السَّمَاءِ لِكُلِّ امْرَأَةٍ مِنْهُمْ زَوْجَتَانِ اثْنَتَانِ يَرَى مَخَّ سَوْقِهِمَا مِنْ وَرَاءِ اللَّحْمِ وَمَا فِي الْجَنَّةِ أَعْرَبُ»

“প্রথম যে দলটি জান্নাতে প্রবেশ করবে তারা পূর্ণিমার চাঁদের মত উজ্জ্বল চেহারা বিশিষ্ট হবে। আর যারা তাদের পরে জান্নাতে প্রবেশ করবে তারা উর্ধ্বাকাশের সমুজ্জ্বল নক্ষত্রের চেয়েও বেশি আলোকিত হবে। তাদের প্রত্যেকের জন্যই থাকবে এমন দু’জন স্ত্রী, যাদের শরীরের মাংস ভেদ করে তার অভ্যন্তরীণ অস্থি-মজ্জাও দেখা যাবে। আর জান্নাতে কেউই অবিবাহিত থাকবে না।”^১

প্রশ্ন-১১) আপনি কি জান্নাতের নারীদের সম্পর্কে কিছু জানেন?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«عَدْوَةٌ فِي سَبِيلِ اللَّهِ أَوْ رُوحَةٌ خَيْرٌ مِنَ الدُّنْيَا....»

1 সহীহ বুখারী, হাদীস নং ৩০১২

2 সহীহ মুসলিম, হাদীস নং ২৮৩৪; ইবন মাজাহ, হাদীস নং ৪৩৩৩





“আল্লাহর পথে যে কোনো সময় যাওয়া বা আসার মর্যাদা হলো দুনিয়া ও তাতে যা কিছু আছে তার সবকিছু থেকেও উত্তম। যদি জান্নাতের কোনো নারী দুনিয়ার দিকে তাকাত তাহলে (তাদের সৌন্দর্যে) আসমান ও যমীনের মধ্যবর্তী স্থানগুলো আলোকিত হয়ে পড়ত এবং সুগন্ধে ভরে যেত। আর তার মাথার উড়নাটি দুনিয়া ও তাতে যা কিছু আছে তা থেকে উত্তম।”¹

প্রশ্ন-১২ ❁ জান্নাতে কি মানুষের পেশাব পায়খানার প্রয়োজন হবে ?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেছেন: “জান্নাতবাসীগণ সেখানে খাবার ও পানীয় গ্রহণ করবেন। কিন্তু তারা কোনো পায়খানা করবে না, তাদের সর্দি কাশি হবে না অনুরূপভাবে পেশাবও করবে না। বরং তাদের খাবারের পরে ঢেকুর আসবে যা থেকে মিস্কেফ সুগন্ধ বের হবে। আল্লাহ তা‘আলার ইলহামে শ্বাস প্রশ্বাসের সাথে তারা মা‘বুদের তাসবীহ করবে এবং তাকবীর বলবে।”²

প্রশ্ন-১৩ ❁ আল্লাহ জান্নাতে তাঁর নেক বান্দাদের জন্য যা তৈরি করে রেখেছেন সে ব্যাপারে কি আপনি চিন্তা করেছেন?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেছেন: আল্লাহ বলেন,

«أَعَدَّدْتُ لِعِبَادِي الصَّالِحِينَ مَا لَا عَيْنٌ رَأَتْ وَلَا أُذُنٌ سَمِعَتْ وَلَا خَطَرَ عَلَى قَلْبٍ
بَشَرٍ.....»

“আমি আমার সৎ বান্দাদের জন্য এমন কিছু তৈরি করে রেখেছি যা কোন চক্ষু কোন দিন দেখেনি, কোন কান কোন দিন শুনে নি, এমনকি কোনো মানুষের মনে তা কল্পনায়ও আসেনি। তোমরা এ আয়াতটি পড়ে দেখ যেখানে আল্লাহ বলেছেন:

1 সহীহ বুখারী, হাদীস নং ৬৫৬৮

2 সহীহ মুসলিম





﴿ فَلَا تَعْلَمُ نَفْسٌ مَّا أُخْفِيَ لَهُم مِّن قُرَّةِ أَعْيُنٍ جَزَاءً بِمَا كَانُوا يَعْمَلُونَ ﴾ [السجدة: ١٧]

“কেউই জানে না তাদের জন্য চোখ জুড়ানো কী নেয়ামত লুকিয়ে রাখা হয়েছে তাদের কৃতকর্মের পুরস্কারস্বরূপ!”¹

প্রশ্ন-১৪ ﴿ আপনি কি এমন একটি পথ চান যা আপনাকে জান্নাতে পৌঁছে দিবে?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«وَالَّذِي نَفْسِي بِيَدِهِ . لَا تَدْخُلُونَ الْجَنَّةَ حَتَّى تُوْمِنُوا وَلَا تُوْمِنُوا حَتَّى تَحَابُّوا أَوْ لَا أَدُلُّكُمْ عَلَى شَيْءٍ إِذَا فَعَلْتُمُوهُ نَحَابَيْتُمْ أَفْشُوا السَّلَامَ بَيْنَكُمْ»

“যার হাতে আমার প্রাণ, তাঁর শপথ করে বলছি, তোমরা ততক্ষণ জান্নাতে প্রবেশ করবে না যতক্ষণ ঈমানদার না হবে। আর যতক্ষণ তোমরা পরস্পরকে ভালো না বাসবে ততক্ষণ তোমরা ঈমানদার হতে পারবে না। আমি কি তোমাদেরকে এমন একটি বিষয় বলে দেব না যা করলে তোমরা পরস্পরকে ভালোবাসবে? তোমাদের মধ্যে একে অপরের প্রতি ভালবাসার সৃষ্টি হবে। আর সে কাজটি হল, তোমরা পরস্পর একজন আরেকজনকে বেশি বেশি সালাম দাও।”²

প্রশ্ন-১৫ ﴿ আপনি কি জানেন আল্লাহ শহীদদের জন্য কি সম্মানী রেখেছেন?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেছেন: জান্নাতে প্রবেশ করার পর দুনিয়ায় যা আছে সে সব সম্পদের মালিক করে দিলেও কেউই দুনিয়াতে আর ফিরে আসার আকাঙ্ক্ষা করবে না। তবে, একমাত্র আল্লাহর পথে যারা শহীদ হয়েছে তারা ব্যতীত। তারা দুনিয়াতে ফিরে আসতে

1 সূরা আস-সাজদাহ, আয়াত ১৭; সহীহ বুখারী, হাদীস নং ৪৭৭৯; সহীহ মুসলিম, হাদীস নং ২৮২৪

2 সহীহ মুসলিম; ইবন মাজাহ





চাইবে এ আকাঙ্ক্ষায় যে, সেখানে ফিরে গিয়ে দশবার শহীদ হবে এবং ১০ বার ফিরে আসবে। শহীদ হওয়ার কারণে তাদের যে সম্মানী দেওয়া হবে সে মহা পুরস্কার দেখেই তারা এ আকাঙ্ক্ষা করতে থাকবে।^১

প্রশ্ন-১৬ ﴿﴾ আপনি কি ইয়াতিমের লালন-পালন করার ফযীলত সম্পর্কে জানেন?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«أَنَا وَكَافِلِ الْيَتِيمِ فِي الْجَنَّةِ هَكَذَا»

“আমি এবং ইয়াতিমের লালন-পালনকারী জান্নাতে এত কাছাকাছি থাকব। এ বলে রাসূলুল্লাহ সাল্লাল্লাহু আলাইহি ওয়াসাল্লাম তার তর্জনী ও মধ্যমা আঙ্গুল দু’টি দিয়ে ইঙ্গিত করে এবং এ দুয়ের মাঝে ফাঁক করে দেখালেন”^২

প্রশ্ন-১৭ ﴿﴾ আপনি কি চান যে, আল্লাহ আপনার জন্য জান্নাতে মেহমানদারীর ব্যবস্থা করুক?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«مَنْ غَدَا إِلَى الْمَسْجِدِ وَرَاحَ أَعَدَّ اللَّهُ لَهُ نَزْلَهُ مِنْ الْجَنَّةِ كُلَّمَا غَدَا أَوْ رَاحَ»

“যে ব্যক্তি মাসজিদে আসে ও যায়, আল্লাহ তার জন্য জান্নাতের মধ্যে আতিথেয়তার সামগ্রী প্রস্তুত করেন। যখনই সে মাসজিদে আসে বা যায়”^৩

প্রশ্ন-১৮ ﴿﴾ আপনি কি নিম্নোক্ত হাদীসের উপর আমল করেছেন?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«اللَّهُمَّ أَعْطِ مُنْفِقًا خَلْفًا وَيَقُولُ الْآخِرُ اللَّهُمَّ أَعْطِ مُمَسِكَ تَلْفًا»

- 1 সহীহ বুখারী; সহীহ মুসলিম
- 2 সহীহ বুখারী, হাদীস নং ৫৩০৪
- 3 সহীহ বুখারী, হাদীস নং ৬৬২; সহীহ মুসলিম, হাদীস নং ৪৬৭





“আল্লাহর বান্দারা প্রতিদিন প্রভাতে উপনীত হলেই দু’জন ফিরিশতা নাযিল হয়ে দো‘আ করতে থাকে। তাদের একজন বলতে থাকে: হে আল্লাহ! দানকারীকে এর বিনিময় প্রদান কর। অপর জন বলতে থাকে: হে আল্লাহ! কৃপণকে বিনষ্ট করে দাও।”¹

প্রশ্ন-১৯ ﴿﴾ আপনি কি চান যে আল্লাহ আপনার ওপর রহমত বর্ষণ করুক?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«مَنْ صَلَّى عَلَيَّ صَلَاةَ صَلَّى اللَّهُ عَلَيْهِ بِهَا عَشْرًا»

“যে কেউ আমার ওপর একবার দুর্কদ পাঠ করবে তার বিনিময়ে আল্লাহ তার ওপর দশবার রহমত নাযিল করবেন।”²

প্রশ্ন-২০ ﴿﴾ আপনি কি আপনার প্রভুর নৈকট্য লাভ করতে চান?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«أقرب ما يكون العبد من ربه وهو ساجد فأكثرُوا الدعاء»

‘বান্দা যখন আল্লাহকে সিজদা করে ঐ সময় সে তার রবের সবচেয়ে নিকটে পৌঁছে যায়। সুতরাং সে অবস্থায় তোমরা বেশি বেশি করে দো‘আ কর। (কারণ এটি দু‘আ কবুলের উত্তম সময়)

প্রশ্ন-২১ ﴿﴾ আপনি কি নিম্নোক্ত অসীয়াত শুনেছেন?

উত্তর: আবু হুরাইরা রাদিয়াল্লাহু আনহু বলেন,

«أَوْصَانِي خَلِيلِي صَلَّى اللَّهُ عَلَيْهِ وَسَلَّمَ بِثَلَاثِ صِيَامٍ ثَلَاثَةِ أَيَّامٍ مِنْ كُلِّ شَهْرٍ وَرَكَعَتِي الضُّحَى وَأَنْ أُوتِرَ قَبْلَ أَنْ أَرْقُدَ»

“আমার অন্তরঙ্গ বন্ধু রাসূল সাল্লাল্লাহু আলাইহি ওয়াসাল্লাম আমাকে

1 সহীহ বুখারী, হাদীস নং ১৪৪২; সহীহ মুসলিম, হাদীস নং ১০১০

2 সহীহ মুসলিম





অসীয়াত করেছেন, যেন আমি প্রতি মাসে তিনদিন সাওম পালন করি, চাশতের সময়ে দু’ রাকাত সালাত আদায় করি এবং ঘুমানোর পূর্বেই বিতরের সালাত পড়ে নিই।’^১

প্রশ্ন-২২ ﴿﴾ আপনি কি এটা চান যে, মৃত্যুর পরও আপনার নেক আমলের ধারা জারী থাকুক?

উত্তর: মসজিদ নির্মাণ, পানির কূপ খনন, সন্তান-সন্ততিদেরকে সৎ শিক্ষা প্রদান এবং দীনি ইলমের প্রচার করা যেমন, দীনি বই ছাপা, প্রচার-প্রসার করা, ক্যাসেট কপি ও বিলি করা এবং এ সমস্ত কাজে আর্থিক সহায়তা প্রদান। রাসূলুল্লাহ্ সাল্লাল্লাহু আলাইহি ওয়াসাল্লাম বলেছেন:

«إِذَا مَاتَ الْإِنْسَانُ انْقَطَعَ عَنْهُ عَمَلُهُ إِلَّا مِنْ ثَلَاثَةٍ إِلَّا مِنْ صَدَقَةٍ جَارِيَةٍ أَوْ عِلْمٍ يُنْتَفَعُ بِهِ أَوْ وَدٍ صَالِحٍ يَدْعُو لَهُ»

“মানুষ যখন মরে যায় তখন তার কাজের ধারাও বন্ধ হয়ে যায়, তবে তিনটি বিষয় ব্যতীত। (ক) সাদাকায়ে জারিয়াহ বা চলমান দান, (খ) এমন জ্ঞান যা দ্বারা উপকৃত হওয়া যায়। (গ) আর এমন নেক সন্তান-সন্ততি যারা তার জন্য দো‘আ করে।”^২

প্রশ্ন-২৩ ﴿﴾ আপনি কি চান আপনার দো‘আ কবুল হোক?

উত্তর: রাসূলুল্লাহ্ সাল্লাল্লাহু আলাইহি ওয়াসাল্লাম বলেছেন:

«مَا مِنْ عَبْدٍ مُسْلِمٍ يَدْعُو لِأَخِيهِ بِظَهْرِ الْغَيْبِ إِلَّا قَالَ الْمَلِكُ وَلَكَ بِمِثْلِ»

“যখন কোনো মুসলিম তার অপর মুসলিম ভাইয়ের জন্য তার অনুপস্থিতিতে দো‘আ করে তখনই ফিরিশতা বলে যে, ‘তোমার জন্যও অনুরূপ হউক’^৩।

1 সহীহ বুখারী, হাদীস নং ১৯৮১; সহীহ মুসলিম, হাদীস নং ৭২১

2 সহীহ মুসলিম, হাদীস নং ১৬৩১

3 সহীহ মুসলিম, হাদীস নং ২৭৩২





(অর্থাৎ তুমি তোমার মুসলিম ভাই বন্ধুর জন্য যেসব ভাল জিনিস পাওয়ার জন্য দো‘আ করছ সে সব নেয়ামত তুমিও পেয়ে যাবে।)

প্রশ্ন-২৪ ❀ আপনি কি চান যে, আপনার গোনাহ বেশি হলেও তা ক্ষমা হয়ে যাক?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেন:

‘যে ব্যক্তি একদিনে **سُبْحَانَ اللَّهِ وَبِحَمْدِهِ** ১০০ বার বলবে, তার গুনাহ সাগরের ফেনা পরিমাণ হলেও তা মফ করে দেওয়া হবে’।

প্রশ্ন-২৫ ❀ আপনি কি জান্নাতে একটি ঘর চান?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেন:

«مَا مِنْ عَبْدٍ مُسْلِمٍ يُصَلِّيَ لِلَّهِ كُلَّ يَوْمٍ ثِنْتَيْ عَشْرَةَ رُكْعَةً تَطَوُّعًا غَيْرَ فَرِيضَةٍ إِلَّا بَنَى اللَّهُ لَهُ بَيْتًا فِي الْجَنَّةِ أَوْ إِلَّا بَنَى لَهُ بَيْتًا فِي الْجَنَّةِ»

‘যে কোনো মুসলিম বান্দা আল্লাহকে খুশী করার জন্য প্রতিদিন ফরয ব্যতীত আরো ১২ রাকাত (সুন্নাত ও নফল) সালাত আদায় করে, আল্লাহ তার জন্য জান্নাতে একটি ঘর বানিয়ে দেন’।^২

প্রশ্ন-২৬ ❀ আপনি কি আপনার ওপর প্রশান্তি আসুক ও আল্লাহর রহমত দ্বারা আবৃত হতে চান?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«لَا يَقْعُدُ قَوْمٌ يَذْكُرُونَ اللَّهَ عَزَّ وَجَلَّ إِلَّا حَفَّتْهُمُ الْمَلَائِكَةُ، وَغَشِيَتْهُمُ الرَّحْمَةُ، وَنَزَلَتْ عَلَيْهِمُ السَّكِينَةُ، وَذَكَرَهُمُ اللَّهُ فِيمَنْ عِنْدَهُ»

“যারা আল্লাহর যিকির করতে বসে (অর্থাৎ কুরআন হাদীসের আলোচনা

1 সহীহ বুখারী; সহীহ মুসলিম

2 সহীহ মুসলিম, হাদীস নং ৭২৮





করে, তা শিখে ও শিখায়। তাসবীহ-তাহলীল, দো‘আ দুরুদ ও ইসতেগফার করে। আর এগুলো করে নবীজী সাল্লাল্লাহু আলাইহি ওয়াসাল্লাম এর তরীকায়) ফিরিশতারা তাদের চারপাশে এসে জড় হয়, আল্লাহর রহমত দ্বারা তাদের ঢেকে রাখে, তাদের ওপর প্রশান্তি নাযিল হয় এবং আল্লাহ (এতে খুশী হয়ে) তাঁর নিকটস্থ (ফেরেশতাদের) কাছে ঐ সব যিকিরকারী বান্দাদের সম্পর্কে (প্রশংসামূলক) আলোচনা করেন।¹

প্রশ্ন-২৭ ❦ এই হাদীসটি লক্ষ্য করেছেন কী?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেন:

«مَا يُصِيبُ الْمُسْلِمَ مِنْ نَصَبٍ وَلَا وَصَبٍ وَلَا هَمٍّ وَلَا حُزْنٍ وَلَا أَذَى وَلَا غَمٍّ حَتَّى الشُّوْكَةِ يُشَاكُهَا إِلَّا كَفَّرَ اللَّهُ بِهَا مِنْ خَطَايَاهُ»

“কোনো মুসলিম ব্যক্তির দুঃখ, ক্লান্তি, দুশ্চিন্তা, কষ্ট কিংবা পেরেশানী এমনকি একটি ছোট কাঁটা বিধলেও এ কষ্টের বিনিময়ে আল্লাহ তার গোনাহ মাফ করে দেন (যদি সে ধৈর্য ধারণ করে)²।

প্রশ্ন-২৮ ❦ আপনি কি পূর্ণ এক রাত্রি সালাত আদায় করার সাওয়াব পেতে চান?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেন,

«مَنْ صَلَّى الْعِشَاءَ فِي جَمَاعَةٍ فَكَأَنَّمَا قَامَ نِصْفَ اللَّيْلِ وَمَنْ صَلَّى الصُّبْحَ فِي جَمَاعَةٍ فَكَأَنَّمَا صَلَّى اللَّيْلَ كُلَّهُ»

“যে ব্যক্তি ইশার সালাত জামা‘আতে পড়ল, সে যেন অর্ধ-রাত্রি সালাত আদায় করল। আর যে ব্যক্তি ফজরের সালাত জামা‘আতে আদায় করল, সে যেন সমস্ত রাত্রি সালাত আদায় করল।³”

1 সহীহ বুখারী, হাদীস নং ৫৬৪২

2 সহীহ বুখারী; সহীহ মুসলিম

3 সহীহ মুসলিম, হাদীস নং ৬৫৬





প্রশ্ন-২৯ ﴿﴾ আপনি কি পাহাড় পরিমাণ সাওয়াব চান?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেন:

«مَنْ شَهِدَ الْجَنَازَةَ حَتَّى يُصَلِّيَ، فَلَهُ قَبْرَاطٌ، وَمَنْ شَهِدَ حَتَّى تُدْفَنَ كَانَ لَهُ قَبْرَاطَانِ»، قِيلَ: وَمَا الْقَبْرَاطَانِ؟ قَالَ: «مِثْلُ الْجَبَلَيْنِ الْعَظِيمَيْنِ»

“যে ব্যক্তি কোনো জানাযায় সালাত শেষ হওয়া পর্যন্ত শরীক হয়, তার জন্য রয়েছে এক ক্বীরাত পরিমাণ সাওয়াব; আর যে ব্যক্তি দাফন সম্পন্ন হওয়া পর্যন্ত শরীক হয়, তার জন্য রয়েছে দু’ ক্বীরাত’ পরিমাণ সাওয়াব। একজন প্রশ্ন করল, ‘দু’ ক্বীরাত কী?’ রাসূলুল্লাহ সাল্লাল্লাহু আলাইহি ওয়াসাল্লাম উত্তর দিলেন: (২ কিরাত হলো) ‘দুইটি বড় পাহাড়ের সমান’।”

প্রশ্ন-৩০: আপনি কি সারাক্ষণ আল্লাহর হেফাজতে থাকতে চান?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেন:

«مَنْ صَلَّى الصُّبْحَ فَهُوَ فِي ذِمَّةِ اللَّهِ»

‘যে ব্যক্তি ফজরের সালাত পড়ে, সে ব্যক্তি আল্লাহর হেফাজতে থাকে।’^২

প্রশ্ন-৩১ ﴿﴾ আপনি কি চান জাহান্নামকে আল্লাহ আপনার কাছ থেকে ৭০ বছরের রাস্তা দূরে সরিয়ে দিক?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেন:

«مَا مِنْ عَبْدٍ يَصُومُ يَوْمًا فِي سَبِيلِ اللَّهِ إِلَّا بَاعَدَ اللَّهُ بِذَلِكَ الْيَوْمِ وَجْهَهُ عَنِ النَّارِ سَبْعِينَ خَرِيفًا»

‘যে ব্যক্তি আল্লাহর রাস্তায় (অর্থাৎ খালেস দিলে শুধুমাত্র আল্লাহকে খুশী করার জন্য) একদিন সাওম পালন করবে, আল্লাহ সেই দিনের সাওমের

1 সহীহ বুখারী, হাদীস নং ১৩২৫; সহীহ মুসলিম, হাদীস নং ৯৪৫

2 সহীহ মুসলিম, হাদীস নং ৬৫৭





বিনিময়ে তার কাছ থেকে জাহান্নামকে দূরে সরিয়ে দিয়ে তার ও জাহান্নামের মধ্যে ৭০ বছরের রাস্তার দূরত্ব সৃষ্টি করে দেবেন।”

প্রশ্ন-৩২ ﴿﴾ আপনি কি এমন কোন পথ চান যা আপনাকে সহজে জাম্মাতে পৌঁছে দেবে?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেন:

«وَمَنْ سَلَكَ طَرِيقًا يَلْتَمِسُ فِيهِ عِلْمًا سَهَّلَ اللَّهُ لَهُ بِهِ طَرِيقًا إِلَى الْجَنَّةِ»

“যে ব্যক্তি দীনি ইলম অর্জনের উদ্দেশ্যে রওয়ানা দেবে, আল্লাহ এর বিনিময়ে তার জন্য জাম্মাতে যাওয়ার পথ সহজ করে দিবেন।”^২

প্রশ্ন-৩৩ ﴿﴾ আপনি কি প্রতিদিন সহজেই এক হাজার নেকী অর্জন করতে চান?

উত্তর: রাসূলুল্লাহ সাল্লাল্লাহু আলাইহি ওয়াসাল্লাম বলেন: ‘তোমাদের মধ্যে এমন কেউ কি আছে যে প্রতিদিন এক হাজার নেকী অর্জন করতে চায়?’ তাঁর সাথে বসা এক ব্যক্তি তাঁকে প্রশ্ন করল: ‘একদিনে এক হাজার নেকী-এটা কী ভাবে সম্ভব?’

রাসূলুল্লাহ সাল্লাল্লাহু আলাইহি ওয়াসাল্লাম বললেন:

«يُسَبِّحُ مِائَةَ تَسْبِيحَةٍ فَيُكْتَبُ لَهُ أَلْفُ حَسَنَةٍ أَوْ يَحْطُ عَنْهُ أَلْفُ خَطِيئَةٍ»

“একশ বার তাসবীহ পাঠ করলে (অর্থাৎ ১০০ বার সুবহানাল্লাহ পড়লে) এতে তার জন্য এক হাজার নেকী লেখা হবে অথবা এক হাজার গুনাহ তার আমলনামা থেকে মুছে যাবে।”^৩

1 সহীহ বুখারী, হাদীস নং ২৮৪০; সহীহ মুসলিম, হাদীস নং ১১৫৩

2 সহীহ মুসলিম, হাদীস নং ২৬৯৯

3 সহীহ মুসলিম, হাদীস নং ২৬৯৮







[বি: দ্র:-অত্র পুস্তিকায় হাদীসের নম্বর হিসেবে বুখারীতে ফাতহুল বারী এবং মুসলিম ও ইবন মাজাহ-তে মুহাম্মাদ ফুয়াদ আবদুল বাকীর নম্বর অনুসরণ করা হয়েছে।]



IslamHouse.com

 @IslamHousebn

 islamhousebn

 islamhouse.com/bn/

 Bengali.IslamHouse

 user/IslamHouseBn


For more details visit
www.GuideToIslam.com



contact us :Books@guidetoislam.com

 Guidetoislam.org

 [Guidetoislam1](https://twitter.com/Guidetoislam1)

 [Guidetoislam](https://www.youtube.com/Guidetoislam)

 www.Guidetoislam.com



المكتب التعاوني للدعوة وتوعية الجاليات بالربوة

هاتف: +966114454900 فاكس: +9661144970136 ص ب: 29465 الرياض 11457

ISLAMIC PROPAGATION OFFICE IN RABWAH

P.O.BOX 29465 RIYADH 11457 TEL: +966 11 4454900 FAX: +966 11 4970126

জান্নাতের পথে

জান্নাতের পথে: বইটিতে লেখক প্রশ্নোত্তরের মাধ্যমে জান্নাতে যাওয়ার বিভিন্ন আমলের ব্যাখ্যা ও তার ফযীলতের বর্ণনা করেছেন। আল্লাহর অপার রহমত ও ক্ষমাপ্রাপ্তি এবং জান্নাতের বিভিন্ন নি'আমত প্রসঙ্গেও বইটিতে আলোচনা করা হয়েছে।

IslamHouse.com



উসুল
Osoul Center
www.osoulcenter.com

